

¡BOMBA!

Rogamos que el juez entienda algo de Caro Quintero; si el fallo no es justiciero, puede volverlo leyenda



K'uintsil

Jueves 27 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2446 · www.lajornadamaya.mx



Xma' no'ojan tséentaje' ku xaankúunsik u desarrollo 3.6 millones latinoamericanoil paalal: xaak'al

Efe / 31
Oochel Reuters

Ichil u lu'umil América Latina y el Caribe (ALC) yaan 3.6 millonesil paalal yaan 3 yéetel 4 u ja'abil ba'ale' yaan ba'ax ma' no'oja'an tu desarrolloil, ts'o'oke' sajbe'entsil yaniko'ob tumen ma' táan u bin u chuko'ob u jach ka'anal u potencialo'obi' tumen ma' xan táan u chúukpajal ba'ax k'a'abéet ti'al u yuts tséentikubáajo'ob.

U yóox jaats ti' le paalalo'obe' kaja'an ti' najo'ob jach óotsiltak, ti' mejen kaajo'ob, ts'o'oke' u paalilo'ob ko'olel ma' náachchaja'an u kaambalo'obi', beey a'alab tu

informeil *Nutrición en la primera infancia: estado y desafíos actuales en América Latina y el Caribe*, meyajta'ab tumen Organización de Estados Iberoamericanos (OEI) yéetel Fundación Iberoamericana de Nutrición (FINUT).

Beyxan, ichil uláak' ba'axo'ob a'alab te'el xaak'alo', paalal ma' uts tséenta'anile', wa yaan ti'ob desnurtición crónica', ka'atéen menos u páajtalil u k'uchul ti' no'ojan desarrollo ti'al u béeytal u kanik xook yéetel ts'iib, yéetel xan ti'al u kanik u k'a'abéetkuns

números, a'alab tumen OEI le miércoles máanika' ti' jump'éel k'a'aytajil.

"Millonesil paalal ku bino'ob xooke' ba'ale' wi'ijo'ob, ts'o'oke' wa wi'ij máake' ma' tu yutstal u kaambal", tu ya'alaj u secretario generalil OEI, Mariano Jabonero.

Chéen tu ja'abil 2022e', maanal 152 mil paalal jkiim América Latina yéetel Caribe yóok'olal ba'alo'ob yaan ba'al u yil yéetel xma' no'ojan tséentajili', ts'o'oke' maanal ti'u chúumukil ti' le je'elo'obo' ma' tu chukaj mix 28 k'iino'ob kuxa'an.

Yóok'olal mejen neeneobe', xaak'ale' tu ya'alaje', ti' lajuntúul neeneobe', chéen juntúul aalchaj le beyka'aj unaj u yantal ti' tu k'iinil úuchik u yantal (2 mil 500 gramos), ts'o'oke' lelo' ku ye'esik 11.7 por ciento tu baantail Caribe, yéetel 10.9 por ciento Centroamérica.

Kex 5.7 millonesil mejen paalale' ma' chuka'an u tallaili', mix xan táan u nojochtaloo'ob je'ex unaje', ts'o'oke' lelo' je'el tak u jo'otéenchajal ich máasewal paalal ma' u chuk jo'op'éel u ja'abil.